

TEATER MUNTANELLAS: «Goodbye Nellie»

## En destign per s'occupar

**G.N.S.** Tgi teater so er esser duple tgi divertimaint sa mossa aint igl toc «Goodbye Nellie». La generaziun giovana da Teater «Muntanellas» preschainta anc treis gedas igl teater tgi è fitg serious e tgi ins ò er da piglier serious. Reschia magna cun Lina Frei-Baselgia ena persunga cun experientscha.

Venderde passo è stada la premiera digl teater «Goodbye Nellie». Aint igl center da chel toc plagn dramaturgia stattan quatter mattas ed en mat. Lour fegnameira è da gudagner igl festival da musica «Mudshark». Percheigl exercitescha la band mintga de cuagl intent d'esser tar l'occurrer da musica la miglra e da far ena gronda carriera da rock e pop. Durant ena prova stat la cantadoura Nellie fitg mal e croda anturn. I vign tar ena veira panica ed ena agitaziun sen tribuna. Cun consultar igl medi on las otras treis mattas ed igl batterist dalla band da piglier cunaschientscha dalla greva malsogna da Nellie.

### La musica fò la punt

Nellie, tgi è ena matta giovana, viscla, cun entusiassem e plagn semis ò en tumor aint igl tscharvi. An en colp è sa mido per ella igl mintga de ed er per las sias ameias ed igl sies amei. Las quatter mattas ed igl mat on d'acceptar la novitad, mintgign ò da vurdar alla realitad an fatscha e per tots davainta la mal-



La band ò ena fegnameira da gudagner en festival da musica. Igl destign vot pero ensatge oter.

sogna da Nellie ena veira sfida. Amour ed amiceztga, tristezza, rabgia, perplexadad e speranza s'uneschan. Per saldar chella plaia dattigl strousch ena veia oter tgi la musica, tgi las mattas ed igl mat on fitg a cor. La musica è er chella tgi fò la punt tranter las scenas plagn tema, angoscha e legreia. Ella è er chella tgi dat confiart betg angal agls protagonists sen tribuna, mabagn er agl public.

### Plagn expressiun

Gio bagnspert vignan er igls aspectatours confruntos cun la realitad tgi per Nellie dat-

tigl strousch anc en avigneir. Ella è er chella tgi fò speranza allas sias ameias ed agl sies amei, dantant er agl public tgi è fitg comuendo. Durant prest 80 minutas ins ò da s'occupar cun ena realitad tgi savess tutgier mintgign e digl fatg tgi cun en tal destign dattigl nigra veia da fugia. Las quatter actouras giovnas, Stefanie Maria Küchler (Nellie), las dus soras Frena Habegger e Rea Habegger ed Annigna Scharplatz scu er Gianmarco Kunfermann gioian cun ferma persvasiun e cun ena expressiun profunda tgi laschan darentar las 80 minutas tar ena seira cun schiblera substantza tg'ins stò sa dar giu cun chella.

### Ples characters

Igl dialect agen da Stefanie Maria Küchler, la sia vusch fegna, sensibla e radonda dattan agl toc «Goodbye Nellie» anc duple dramatica. Durant igl antier toc mantga er betg la seriousadad tgi dovra per dar ad el igl dretg vistgia, l'undrevladad ed igls ples characters. Allas quatter actouras ed agl actour gartegigl exemplaric da metter igl text an en maletg, uscheia tgi tot para d'esser realitad, veir ed acceptabel. Bel è tgi dat tuttegnan anc en radi suglegl cun la band gudagner igl festival da musica e deditgier igl succes all'ameia, la victorgia, cuagl hit: «Goodbye Nellie».

I dat anc treis preschentaziuns alla Clincia Beverin a Tgazzas, tgesa 9:

venderde	28-09-18	20.00
sonda	29-09-18	20.00
dumengia	30-09-18	17.00



Nellie (dretg) ella è da buna speranza tiers la sia malsogna.